

Կարօ Յովհաննէսեան

Ծնած է Պէյրութ, Լիբանան: Երկրորդական ուսումը ստացած է ՀԲԸՄ-ի Յովակիմեան-Մանուկեան Երկրորդական վարժարանին մէջ: Բարձրագոյն ուսման համար յաճախած է Պէյրութի Ամերիկեան Համալսարանը, գոր աւարտած է 1979-ին, տիրանալով Մագիստրոս Գիտութեանց վկայականին, գիւղատնտեսութեան մէջ: Եղած է «Ազգակ Շարաթօրեակ-Դրօշակ»-ի եւ «Կայծեր» երիտասարդական պարբերաբերթի խմբագիր: Վարած է դասախօսի պաշտօն՝ Պէյրութի Հայկազեան համալսարանին մէջ: Եղած է ուսուցիչ՝ Լիբանանի հայկական եւ ոչ-հայկական երկրորդական վարժարաններուն, ինչպէս նաեւ Մեծի Տանն Կիլիկիոյ Կաթողիկոսութեան Դպրեվանքին (Պիքֆայա, Լիբանան) մէջ, աշխատանք մը, գոր կը շարունակէ մինչեւ այսօր: 2007-էն սկսեալ տեսուչն է Խաչեր Գալուստեան Մանկավարժական Կազմաւորման կեդրոնին (Մեծի Տանն Կիլիկիոյ Կաթողիկոսութիւն, Անթիլիաս, Լիբանան): Հեղինակ է երկու գիրքի եւ ունի բազմաթիւ ուսումնասիրութիւններ: Խմբագրած է աւելի քան 25 գիրք եւ ստորագրած է բազմաթիւ յօդուածներ: Ամուսնացած է. ունի երկու որդի եւ մէկ դուստր:

Մամուլ Կարապետեան

Մամուլ Կարապետեանը ծանօթ է իբրեւ հայ պատմաբան, յուշարձանագէտ, Հայաստանի, Արցախի, Հարաւային Կովկասի եւ այլ շրջաններու յուշարձաններու հետազօտող, ինչպէս նաեւ նախագահ՝ Հայկական Ճարտարապետութիւնը Ուսումնասիրող Կազմակերպութեան (ՀՃՈՒԿ) Երեւանի գրասենեակին: Երկու տասնամեակներու ընթացքին ան քննած և ցուցակագրած է հայ ճարտարապետութեան պատկանող հազարաւոր նմոյշներ: Կարապետեան ծանօթ է որպէս քննադատ Հայաստանի դրացի պետութիւններու մէջ հայկական յուշարձաններու նկատմամբ ունեցած կեցուածքին: Ան կ'ըսէ, թէ Թուրքիոյ, Ազրպեյճանի եւ Վրաստանի իշխանութիւնները նպատակաւորաբար կերպով կը գործադրեն հայկական յուշարձաններու ոչնչացման քաղաքականութիւն: Ան իր ունեցած փաստերը նեկայացուցած է ԱՄՆ-ի քոնկրէսին 2007 թուականին, ինչպէս նաեւ Մարդու Իրաւունքներու Եւրոպական դատարանին, 2008-ին:

2007-ին Կարապետեան արժանացած է ՀՀ նախագահի մրցանակին՝ մարդասիրական նիւթերու ծիրին մէջ իր ունեցած ներդրումներուն համար:

Թովմաս Պողոսեան

Թովմաս Պողոսեան ծնած է 1954 –ին, Լոռիի մարզի Սարչապետ գիւղին մէջ: Ան ՀՀ-ի վաստակաւոր արուեստագէտ է, ինչպէս նաեւ «Մովսէս Խորենացի» շքանշանակիր, Կոմիտասի անուան պետական երաժշտանոցի դասախօս եւ «Սայաթ-Նովա» մշակութային միութեան ղեկավար, ժողովրդական եւ աշուղական երգերու կատարող եւ մանկավարժ:

Դպրոցական կրթութիւնը ստացած է Թիֆլիսի միջնակարգ թիւ 10 հայկական դպրոցին եւ ապա Էջմիածնի Գեորգեան Ճեմարանին մէջ: Աւարտած է Վանաձորի մանկավարժական հիմնարկը եւ Երեւանի Կոմիտասի անուան պետական երաժշտանոցը: 1987- էն ի վեր կը պաշտօնավարէ վերոյիշեալ երաժշտանոցի հայ երաժշտական ասանդական ամպիոնին մէջ իբրեւ դասախօս:

1992-ին հիմնած է եւ մինչեւ օրս կը վարէ «Սայաթ Նովա» աշուղական երգերու համոյթը: 1997-ին հիմնած է նաեւ «Ջիւանի» աշուղական երգի դպրոցը:

Վարդան Մարաշլեան

Ծնած է Հայաստան: Աւելի քան քսանհինգ տարի ապրած է Մոսկուա: 2010-ին ընտանիքին հետ տեղափոխուած է Հայաստան եւ այժմ կ'ապրի Երեւան իր կնոջ եւ երկու զաւակներուն հետ: Վարդան Մարաշլեան ունի ավելի քան 18 տարուան փորձառութիւն թէ, պետական եւ թէ սեփական մարզերու մէջ: Նախքան RepatArmenia հիմնադրամի ստեղծումը, Մարաշլեան Սփիւռքի նախարարի տեղակալն էր, ինչպէս նաեւ պատասխանատուն՝ ԱՊՀ –ի տարածքի հայկական համայնքներուն հետ ծրագիրներ մշակելու, համահայկական մասնագիտական համաժողովներու կազմակերպման եւ Սփիւռքի ուղղուած ծրագիրներ ստեղծելու. այս բոլորը կը նպատակադրեն պատրաստել երիտասարդ ղեկավարներ եւ լրագրողներ:

Մարաշլեան աշխատած է նաեւ որպէս տնտեսական խորհրդական Միջազգային Զարգացման Բրիտանական Բաժանմունքին, ինչպէս նաեւ օգնական Հայաստանի Հանրապետութեան վարչապետին:

Մարաշլեան յանձնառու է Հայ Դատի ուղղութեամբ տարուած աշխատանքներուն: Գործօն անդամներէն եղած է Մոսկուայի հայկական գաղութին, Մոսկուայի հայ

երիտասարդ մասնագետներու կազմակերպութեան վարչական կազմին, ինչպէս նաեւ խորհրդական ՝ Մոսկուայի Պետական Համալսարանի հայ ուսանողներու միութեան:

1997-ին Մարաշլեան աւարտած է Ելեւմտական Ակադեմիան, տիրանալով միջազգային տնտեսագիտութեան վկայականին: 2000- ին տիրացած է տնտեսագիտութեան դոկտորական վկայականին, Մոսկուայի Պետական Համալսարանէն:

Վահէ Թաշճեան.

Ծնած է Լիբանան, դոկտորական տիտղոսը ստացած է Փարիզի մէջ (EHESS): Հեղինակ է ակադեմական զանազան յօդուածներու եւ գիրքերու: Ներկայիս գլխաւոր խմբագիրն է Յուշամատեան կայքէջին (Պերլին, Գերմանիա), որուն նպատակն է վերականգնել Օսմանեան կայսրութեան հայերու տեղական պատմութիւնն ու յիշողութիւնը:

Էլքը Հարթմանն

Ուսանած է Միջինարեւելեան/իսլամական գիտութիւններ Պերլինի Ազատ համալսարանին մէջ, Գերմանիա: Մասնագետ է 19րդ դարու եւ 20րդ դարու սկիզբի օսմանեան եւ արեւմտահայկական պատմութեան: Ընդարձակ հետազոտութիւններ կատարած է օսմանեան պետական արխիւներուն մէջ, ինչպէս նաեւ աշխատած է հայկական զանազան սկզբնաղբիւրներու վրայ: Նախագահուիին է Պերլինի մէջ հաստատուած Յուշամատեան միութեան: